

Гурвн үйин хург болхмн

Элст балгсна суньгврин 2-ч участкин агитпункт МТС-н конторин герт бүрдэгдсн. Агитпунктиг МТС-н эклц партийн организацин сеглэтр үр Мирный Михаил Вавилович гардджана. КПСС-н Элст балгсна комитетд эн агитпункт хамгин сэн гисн тоод баяна. Тернь чигн зөвтэ.

Агитпунктин гернь сарул, цевр-цер, кеерүлад ясчкн өрэ. Улан сатигяр бүркн ут стол деер кесг зүсн газетс, журнал-муд, брошюр, дөөв, шатр, домино баяна. Герин барун эрсд суньгвачрин спискиг саяах ширтэ рамкд суулгьдж. Альднь болв чигн төгэлнэгдэн зургуд баяна, тер зургуднь суньгврин өдр, депутатрин кандидатрин тускар цаалгьдж, теднэ төлэ дууган өгтхэ — гидж суньгвачриг дууджана.

Суньгврин участкин член, кун болгн бийстэн батлгдсн уульнцста. Тер уульнцсар агитатормудла хамдан йовдж, суньгвачрин спискин шүүдж халаджана. Суньгьлгэна өдрт кергтэ хамган цуг белдчкдж. Көгшн, шалтгта суньгвачриг темдгьдж, суньгх өдр тедниг көлгэр авч ирхмн.

Цаалгврин көдлмшиг агитатормуд эртэр эклдж кецхäv. Эднд донь-нөкд гидж таслвр угагяр семинар кегднэ. Эн семинарт КПСС-н ЦК-н Дуудвр, Хальмг таньгчин боли Элст балгсна тосхлтин тускар, суньгврин тускар күүндвр кегдв. Суньгвачирт г и д ж КПСС-н декабрьск Пленумин шиидвр, ВЛКСМ-н ЦК-н дуудвр, Советск Конституцин тускар доклад умшгдв. Элст балгсна олна заргч үр Пшатов «СССР-н Деед Совет —

государственн йосна ах орган» — гидг доклад кев. Ур Гельфанд М. А. «Нарт делкән баядлин тускар» лекц умшгдж өгв, Советск Цергин 40-ч джлин өөнд нерадсн докладиг — Хальмг таньгчин, даана төрин комиссар үр Болотный кев. Тер наарт гражданск болн Төрскән харсч Алдр даанд орлцачнр үүрмүд Букреев болн Савченко суньгвачирла харгьдж күүндвр кецхäv.

Цаалгврин көдлмш кецжэсн агитатормудт сурвр чигн өггднэ. Улгүрлхд, суньгвач Маштка Баснь Хальмг таньгчин тууджин туск лекц умшхиг сурв.

Клыковиц нертэ уульнц 68-ч номертэ герт баядг 70 настэ суньгвач Буван Балдр хальмг келэр суньгьлгэна тускар күүндвр кех агитатор сурв. Сурсинь күүцагьад, хальмг келэр күүндвр кех агитатор — Куринова күүк илгäv.

Мартин 2-т агитпунктд гурвн үйин хург болв. Тер хургт түрүн суньгврт орджах багьчудла хамгин көгшн — 103 наста Гвоздииков боли 60 нас күрсн Штоколов харгьдж, урдк цагин баядл-джиргэлин боли хаана цагин суньгврин тускар багьчудт келдж өгв.

Эн агитпунктин цаалгврин көдлмшт орлцджах агитатормуд дунд оньчта кевэр көдлджэх агитатормуд баяна. Агитатормуд Башаев боли Мощенко (тосхлтин 2-ч управленас), Тареева (Элстин МТС-ас) цаалгврин көдлмшэн соньмджта кевэр кецхәнэ. Эдн күүндвр кесн цагтан шин газет, журналмудас соньн-сенр келврмүд умшгдж өгцхәнэ.

Асхн болгн агитпунктур кесг суньгвачир ирцхәнэ. Энүнд сэн кевэр амтн амрцхана.

Б. ЭЛЮЕВА.